



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Terraconensi Archiepiscopo & suffraganeis ejus.

urn:nbn:de:hbz:466:1-20020

336 Epistolarum Innocentij III.

Advocato supradicto promisit, cuius partem tempore procedente dicto Advocato perfolvit, quæ omnia memoratus Episcopus, divinum testimonium invocando, assuruit se penitus ignorasse, nec solvisse aliquid pro eadem pecunia consanguineo expedito, quin immo pro eo quod se fecisse propoluit, odiosus sibi ex tunc extitit & ingratius. Et licet idem Episcopus ab hujusmodi pravitatis excessu alienum se reputaverit & immunem, ad dubietatis tamen scrupulum amputandum rei seriem nostro censuit apostolatu referandam. Et sive super præmisso facto culpabilis esset, sive inculpabilis judicandus, per dilectos tamen filios magistrum Galum & I. Ecclesie sua Canonicos, quibus super hoc mandatum dederat speciale, a nobis cedendi licentiam postulavit, utpote qui præ multis angustiis pastoralis sollicitudinis fatigatus ad umbram quietis aspirat. Porro dictus Episcopus in multis se redditum meritò commendandum, tum quia tamquam fidelis & diligens dispensator injunctum sibi villicationis officium prudenter implevit, & tamquam arbor fructifera in vinea Domini sabaoth gratos fructus uberesque produxit, sub cuius provisionis umbraculo commissa sibi Ecclesia in spiritualibus & temporalibus dinoscitur floruisse, tum quia studium simoniaca prævatis exacta diligentis investigans, quanto potius erat innocens, tanto minus illud voluit palliari, sed cum bonarum mentium sit ibi culpam propriam formidare ubi culpa non est, alienum excessum, quo læditur, nobis quasi proprium indicavit, ut conscientia nubilum, quod peccatum alienum induxerat, apostolica responsionis oraculum serenaret, tum etiam quia sub pastoralis officij sarcina ingemicens, exonerari humiliter petui ab eadem, & qui laudabiliter injuncti sibi ministerij curam implebat, insufficientem se judicans, subesse appetit potius quam præesse, ac in humili statu devotum exhibere Domino famulatum quam in dignitatis apice gloria. Licet autem ex ejusdem absentia Ecclesia Tervisina timeantur dispendia provenire, quæ sub provisione ipsius multa recipi possint incrementa, quia ramen se propriis meritis dignum reddidit gratia speciali, nos ipsius supplicationibus inclinati, postulationi ejus ex benignitate apostolica duximus annuendum. Quocirca fraternalitati tuae præsentium auctoritate mandamus quatenus cessionem ipsius recipiens vice nostra, eundem absolvias ab

onore officij pastoralis, competentem eidem de bonis episcopalibus provisionem assignans. Datum Viterbij i v. Non. Iulij, pontificatus nostri anno duodecimo.

CAPITVLO TERVISINO.

Sicut venerabilis frater noster &c. in finem. Quocirca devotionem vestram rogam duximus & monendam, per apostolica vobis scripta sub obtestatione divini judicij districte præcipiendo mandantes quatenus post cessionem ipsius convenentes in unum, sancti spiritus gratia invocata, omni carni gratia, humano favore, ac commodo privato posthabitis, habentes præ oculis solum Deum, personam idoneam quæ tanto congruat oneri & honori, & prodesse debeat potius quam præesse, canonicè vobis in Episcopum eligatis. Datum ut supræ.

TERRACONENSI ARCHIEPISCOPO & suffraganeis ejus.

E Ius exemplo &c. ut in catervo penultimo regestis undecimi anni usque censuimus proponendum fratribus & amicis, Ocum Prælatorum conscientia & assensu, ita quod ab eis propter hoc nec Ecclesiæ frequentatio nec Clericorum prædictio postponatur &c. usque in finem. Ad majorem verò cautelam alias quasdam litteras, quas vobis dirigimus incipientes hoc modo, * Si quemadmodum, & quasdam alias * Epistola quas illis direximus hoc habentes principium, * Gravem contra vos, ab eis volum, præsentari. Datum Viterbij iii. Non. Iulij, anno duodecimo.

NARBONENSI ARCHIEPISCOPO & suffraganeis ejus.

Si quemadmodum nobis per litteras vestras & duos fratres Cisterciensis ordinis intimasti, Durandus de Osca cum complicibus suis infideliter agit, vel ad fallendum Romanam Ecclesiam, vel ad eludendum canonicam disciplinam, illud sibi profectò continget quod de talibus scriptura testatur, In infidice suis capient iniqui, cum astutias satanæ non penitus ignoremus. Si verò de pristina superstitione quicquam retineat ad cautelam, ut faciliter capere possit vulpeculas quæ moluntur vincam Domini demoliri, tolerandus est prudenter ad tempus, donec arbor à fructibus cognoscatur, dummodo circa substantiam veritatis de corde puro & conscientia bona & fide non ficta procedat, quando-